



LUIS INTXAUSPE AROZAMENAK, Garbitania Zero Zabor S.M. sozietateko  
Administrazio Kontseiluko idazkariak, honako hau

## ZIURTATZEN DU

Garbitania Zero Zabor S.M.ko Administrazio Kontseiluak, 2019ko martxoaren 22an  
agindako bilkuran ondorengo ERABAKIA hartu zuela:

1.- Garbitania Zero Zabor S.M.ren instalazioetan garbiketa zerbitzua kontratatzeko  
behin behineko esleipena erabakitzea.

Aipatu zerbitzua kontratatzeko espedienteari hasiera emateko eskaera egitea erabaki  
zen 2019ko urtarrilaren 22an egindako Administrazio Kontseiluan. Eskaera egun  
horretan onartu zen eta ondoren, kontratazio mahaiak plegu administratiboak eta  
teknikoak prestatu zituen, 2019ko otsailaren 7an egin zen Administrazio Kontseiluak  
(Kontratazio organoa) onartu zituenak. SPKL-ak bere 156 artikuluan arautzen duen  
prozedura irekia tramitatu eta lizitazioaren iragarkia 2019ko otsailaren 11an argitaratu  
zen Garbitaniaren webgunean eta Euskadiko Kontratazio Plataformako  
kontratatzailearen profilean.

Eskaintzak jasotzeko epearen barruan eskaintza bakarra jaso zen:

### 1. Limpiezas Joxean, S.L.

Eskaintza hau kontratazio mahai osatzen duten zerbitzu juridikoak, Administrazio  
teknikariak, kudeatzaileak, Usurbilgo Udal Zerbitzu saileko zinegotziak eta Hernaniko  
Udal Ingurumen saileko zinegotziak, aztertu dute.

Lehenengo eta behin pleguetan eskatzen diren administrazio dokumentuak behar den  
bezala aurkeztu diren aztertu da eta ondoren dokumentazio teknikoaren gutun azala  
irekitzera jo da.

Eskaintzan aurkeztutako dokumentazioa nahikoa izan da balorazio tekniko burutzeko.  
Proposamen teknikoaren balorazioari dagokionez, zerbitzuaren deskribapena,  
jarraipena eta lan metodologia, erabili beharreko produktuak eta ingurumenaren  
iraunkortasuna sustatzeko hartutako neurriak baloratu dira. Balio iritzien bidez  
aztertutako dokumentazioari dagokionez, eskaintzaileak 35 puntu lortu ditu.

Eskaintza bakar honekin puntuen kalkulua burutu da, Plegu Administratiboetako 17.  
klausulan zehazten den moduan.

Eskaintzaileak, lizitazio gehienezko prezioaren (21,88€/orduko zerbitzuko) azpitik egin  
du bere eskaintza (20€/orduko zerbitzuko) beraz, eskaintza ekonomikoari 60 puntu  
dagozkio. Horrez gain, C gutun azalean puntuagarri diren hobekuntzen agiriak  
aurkeztu ditu eta beste 5 puntu lortu. Beraz, modu automatikoan kuantifika daitezkeen  
gutun azalean bidalitakoari 65 puntu dagozkio.



Eskaintza	Eskaintza ekonomikoa	Hobekuntzak	Zerbitzuaren deskribapena	Materialak	Ingurumenaren zaintza	PUNTUAZIOA GUZTIRA
1	60	5	15	15	5	100

Taula honetan zehazten den moduan, eskaintzaileak guztira 100 puntu lortu ditu.

Oro har aurkeztutako eskaintzak dagozkion pleguetan eskatutakoa betetzen ote duen aztertu da. Azterketa horren ondorioz ziurtatzen da aurkeztutako eskaintzak betetzen dituela eskatutako betebeharrak.

Eskaintza egokia izan dela kontuan izanik, kontratazio mahaiak Administrazio Kontseiluari Limpiezas Joxean S.L. esleipenduntzat hartzea proposatzen dio.

Gauzak horrela, Garbitania Zero Zabor S.M.ko Administrazio Kontseiluak martxoaren 22an burutu bilkuran, kontratazio mahaiaren eskariz aho batez honakoak adosten ditu:

**Lehenengoa.**- Garbitania Zero Zabor S.M.k bere instalazioen garbiketa zerbitzua Limpiezas Joxean S.L.ri esleitzea 20€/orduko zerbitzuko salneurrian (BEZ kanpo).

**Bigarrena.**- Limpiezas Joxean S.L. enpresari erabakia jakinaraztea eta eskatzea agiri hauek (administrazio klausula partikularren 20. puntuan jasotzen direnak) aurkeztu ditzan jasotzen diren agiriak **eskaera hau jaso eta hurrengo egunetik hasita hamar (10) lanegunen barruan:**

- Enpresariaren jarduteko gaitasun osoa ziurtatzen dutenak.
- Eskatzen den kaudimen ekonomiko eta finantzarioa egiaztatzekeko beharrezkoak diren agiriak.
- Eskatzen den kaudimen tekniko eta profesionala egiaztatzekeko beharrezkoak diren agiriak.
- Indarreko xedapenek ezarritako zerga-betebeharrak eta Gizarte Segurantzarekikoak egunean dituela egiaztatzen dituztenak.
- Kontratua gauzatzeko beharrezko dituen eta atxikitzera konprometitu den baliabideak benetan badituela ziurtatzen duten agiriak.
- Ekonomia Jardueren gaineko Zergan, kontratuaren xedeari dagokion epigrafean, alta emanda dagoela egiaztatzea.
- Laneko arriskuen prebentzioari buruzko dokumentazioari dagokionez honakoak:
  - Enpresak hartu duen prebentzioaren antolaketa moduaren ziurtagiria.
  - Lan arriskuen ebaluazioa, bere jarduerari dagokiona.
  - Beraien lanpostuan aritzeko langileen mediku-gaitasun ziurtagiriak (osasun zaintza).
  - Langileek, egiten duten jarduerari buruzko beharrezko informazioa eta prestakuntza jaso dutela egiaztatzen duen ziurtagiria.



- Langileen lanpostuen jardueretarako beharrezkoak diren Norbera Babesteko Ekipamenduen entrega ziurtagiria eta hauek erabiltzeko beharrezko informazioa eta prestakuntza jaso dutela egiaztatzen duen ziurtagiria.
  - Lanak egingo dituzten langileen zerrenda.
  - Langileen RLC eta RNT kotizazio agiriak eta Gizarte Segurantzari kuotak ordaintzen direla ziurtatzen duten agiriak.
- Erantzukizun zibileko polizaren kopia. Bere estaldura gutxienez 150.000 eurokoa izango delarik.
  - Behin betiko bermea eratu duela egiaztatzen duen agiria.

**Hirugarrena.-** Garbitania Zero Zabor S.M.ko gerenteari ahalmena ematea eskatutako dokumentazioa aurkezten denean kontratua gauzatu dezan.

Eta horrela jasorik gera dadin eta dagozkion ondorioak ekar ditzan, agiri hau egin dut, lehendakariak ikusi eta ontzat hartu duena.

Hernanin, 2018ko martxoaren 25ean

O.I.

LEHENDAKARIA

A handwritten signature in blue ink, consisting of several loops and a long horizontal stroke extending to the right.

IDAZKARIA

A handwritten signature in blue ink, featuring a large loop at the top and a long horizontal stroke extending to the right.